



MISSÆ PROPRIÆ DIŒCESIS SANCTI HIPPOLYTI

Die 27 Novembris
S. Virgilli Ep. et Conf.

Simplex

Missa Státuit, de Communi Confessoris Pontificis 1 loco.

Die 28 Novembris

S. Valentini Ep. et Conf.

Simplex

Missa Státuit, de Communi Confessoris Pontificis 1 loco, præter Orationem sequentem.

Oratio P

Propitiäre, quæsumus, Dómine, nobis fámulis tuis per beáti Valentini Confessoris tui atque Pontificis mérita gloriósa: ut, ejus pia intercessióne, ab ómnibus protegámur advérsis. Per Dóminum nostrum.

Secreta C

Sancti tui, quæsumus, Dómine, nos ubique lætificent: ut, dum

eórum mérita recólimus, patrocínia sentiámus. Per Dóminum.

Postcommunio C

Præsta, quæsumus, omnipotens Deus: ut, de percéptis munéribus grátias exhibéntes, intercedénte beáto Valentíno Confessore tuo atque Pontifice, beneficia potióra sumámus. Per Dóminum.

Die 22 Decembris

B. Petri Canisii Confessoris

Duplex

Missa Justus ut palma, de Communi Confessoris non Pontificis 2 loco, præter Orationes sequentes:

Oratio P

Deus, qui ad tuéndam cathólicam fidem beátum Petrum Confessórem tuum virtúte et doctrína roborásti: concéde propítius; ut ejus exémples et mónitis errántium corda ad salútem resipíscant, et fidélium mentes in veritátis confessióne perseverent. Per Dóminum nostrum.

Et fit Commemoratio Feriæ.

Secreta P

Sanctifica, miséricors Deus, hæc múnera et præsta: ut, sicut Unigénitus tuus holocáustum pro nobis fieri dignátus est; ita beáti Petri Confessóris exémplo nos júgiter exhibeámus tibi hóstiám laudis. Per eúmdem Dóminum.

Et fit Commemoratio Feriæ.

Postcommunio P

Sacrificium, Dómine, quod in honórem beáti Petri Confessóris obtúlimus: fidem nostram, spem et caritátem adáugeat; atque Ecclésiám tuam nova semper prole lætíficet. Per Dóminum.

Et fit Commemoratio Feriæ.

Die 19 Januarii
S. Severini Abbatis
 Duplex majus

Missa Os justi, de Communi Abbatum.

Et fit Commemoratio Ss. Marii, Marthæ, Audifacis et Abachum Mm. ac S. Canuti Regis, Mart., ut in Missali hac die.

Die 15 Martii
S. Clementis Mariæ Hofbauer
 Confessoris
 Duplex majus

Missa Justus ut palma, de Communi Confessoris non Pontificis 2 loco, præter Orationes sequentes:

Oratio P

Deus, qui beátum Cleméntem Mariám miro fidei róbre et invictæ constántiæ virtúte deco-rásti: ejus méritis et exémpis fac nos, quæsumus, ita fortes in fide et caritáte fervéntes; ut præmia consequámur ætérna. Per Dóminum.

Secreta P

Ille nos, quæsumus, Dómine, devotiónis ignis accéndat; quo beátus Clemens Maria, dum salutárem offérret hóstiám, júgiter flagravit. Per Dóminum.

Et fit Commemoratio Feriæ.

Postcommunio P

Cælésti pane reféctis concéde nobis, omnipotens Deus; ut beáti Cleméntis exémplo in fortitúdine cibi illius usque ad montem, qui Christus est, feliciter perveniámus: Qui tecum vivit.

Et fit Commemoratio Feriæ, et legitur ejus Evangelium in fine.

Missæ privatæ dici possunt, juxta Rubricas, etiam de Feria cum Commemoratione S. Clementis Mariæ Hofbauer.

Die 27 Martii

Pro Commemoratione
S. Ruperti Episcopi et Confessoris

Oratio P

Propitiáre, quæsumus, Dómine, nobis fámulis tuis, per sancti Rupéрти Confessóris tui atque Pontíficis mérita gloriósa: ut, ejus pia intercessióne, ab ómnibus protegámur advérsis. Per Dóminum.

Secreta C

Sancti tui, quæsumus, Dómine, nos ubique lætíficent: ut, dum eórum mérita recólimus, patrocínia sentiámus. Per Dóminum.

Postcommunio C

Præsta, quæsumus, omnipotens Deus: ut, de percéptis munéribus grátias exhibéntes, intercedénte beáto Rupérto Confessóre tuo atque Pontífice, beneficia potióra sumámus. Per Dóminum.

Die 24 Aprilis

S. Georgii Martyris

Duplex

Missa Protexisti, ut in Missali die 23 Aprilis.

Et fit Commemoratio S. Fidelis a Sigmaringa Martyris, ut in Missali hac die.

¶ Missæ privatæ dici possunt, juxta Rubricas, etiam de S. Fidele a Sigmaringa, ut in Missali hac die, cum Commemoratione S. Georgii.

Die 4 Maji

S. Floriani Martyris

Duplex

Missa Protexisti, de Communi Martyrum Tempore Paschali 1 loco, præter Orationem sequentem.

Oratio P

Deus, qui nos beati Floriani Martyris tui sollemnitate lætificas: concède propitius; ut, cujus gloriosum triumphum venerámur in terris, societatis ejus lætítiam adipisci mereámur in cælis. Per Dóminum nostrum.

Et fit Commemoratio S. Monicæ Viduæ, ut in Missali hac die.

Secreta C 3

Munéribus nostris, quæsumus, Dómine, precibusque susceptis: et cælestibus nos munda mysteriis, et cleméter exáudi. Per Dóminum.

Postcommunio C 3

Da, quæsumus, Dómine, Deus noster: ut, sicut tuórum commemoratióne Sanctórum, temporáli gratulamur officio; ita perpétuo lætémur aspéctu. Per Dóminum nostrum.

¶ Pro votiva extra Tempus Paschale dicitur Missa In virtúte, de Communi unius Martyris 3 loco, præter Orationem ut supra.

¶ Missæ privatæ dici possunt, juxta Rubricas, etiam de S. Monica, ut in Missali hac die, cum Commemoratione S. Floriani.

Die 8 Augusti

S. Altmanni Ep. et Conf.

Duplex majus

Missa Státuit, de Communi Confessoris Pontificis 1 loco, præter Orationem sequentem et Evangelium.

Oratio P

Deus, qui, ad Ecclésiæ tuæ libertatem et decórem promovéndum, sanctum Altmánnum Confessórem tuum atque Pontificem ánni fortitúdine roborásti: ejus intercessióne concède; ut, advérsa ómnia superántes in terris, coronári cum ipso mereámur in cælis. Per Dóminum.

Et fit Commemoratio Ss. Cyriaci, Largi et Smaragdi Mm., ut in Missali hac die.

Evangelium Vigiláte ex Missa Sacerdótes tui, de eodem Communi 2 loco.

Secreta C

Sancti tui, quæsumus, Dómine, nos ubique lætificent: ut, dum eórum mérita recólimus, patrocínia sentiámus. Per Dóminum.

Postcommunio C

Præsta, quæsumus, omnípotens Deus: ut, de percéptis munéribus grátias exhibéntes, intercedénte beáto Altmánno Confessóre tuo atque Pontífice, beneficia potióra sumámus. Per Dóminum.

¶ Missæ privatæ dici possunt, juxta Rubricas, etiam de Ss. Cyriaco, Largo et Smaragdo Martyrum, ut in Missali hac die, cum Commemoratione S. Altmanni.

Die 13 Augusti

S. Hippolyti Martyris,

Patroni principalis Civitatis et
Diœcesis sancti Hippolyti

Duplex I cl. cum Octava communi

Missa Lætâbitur, de Communi unius Martyris 4 loco, præter Orationes sequentes, et dicitur Credo per totam Octavam.

Oratio P

Da, quæsumus, omnipotens Deus: ut beâti Mártyris tui Hippolyti venerânda sollémnitas (commemoratio) et devotiõnem nobis áugeat et salútem. Per Dóminum.

Secreta P

Réspice, Dómine, múnera pópuli tui, sancti Hippolyti festivitáte (commemoratiõne) votiva; et tuæ testificatio veritátis nobis proficiat ad salútem. Per Dóminum.

Postcommunio P

Sacramentórum tuórum, Dómine, commúnio nos salvet: et in tuæ veritátis luce confirmet. Per Dóminum nostrum.

¶ Pro votiva Tempore Paschali dicitur Missa Protexisti, de Communi 1 loco, cum Orationibus ut supra.

Die 20 Augusti

In Octava S. Hippolyti Martyris

Duplex majus

Missa ut in Festo.

Et fit Commemoratio S. Bernardi

Conf. et Ecclesiæ Doctoris, ut in Missali hac die et Octavæ Assumptionis B. M. V.

¶ Missæ privatæ dici possunt, juxta Rubricas, etiam de S. Bernardo Conf. et Eccl. Doct., ut in Missali hac die, cum Commemoratione diei Octavæ S. Hippolyti et Octavæ Assumptionis B. M. V.

Die 13 Octobris

S. Colomanni Martyris

Duplex

Missa Lætâbitur, de Communi unius Martyris 4 loco, præter Evangelium Si quis vult, ex Missa Sacerdotes Dei, de eodem Communi 2 loco.

Et fit Commemoratio S. Eduardi Regis, Conf., ut in Missali hac die.

¶ Missæ privatæ dici possunt, juxta Rubricas, etiam de S. Eduardo, ut in Missali hac die, cum Commemoratione S. Colomanni.

Die 31 Octobris

Pro Commemoratione
S. Wolfgangi Ep. et Conf.

Oratio

Deus, qui nobis æternæ salutis beatum Wolfgangum Episcopum ministrum tribuisti: præsta, quæsumus; ut, quem doctorem vitæ habuimus in terris, intercessorem habere mereamur in cælis. Per Dóminum.

Secreta

Sancti Wolfgangi, Confessoris tui atque Pontificis, quæsumus, Dómine, ánnua sollémnitas pietati tuæ nos reddat acceptos: ut, per hæc piæ placatiõnis officia, et illum beata retributio comitetur, et

nobis grátiae tuæ dona conciliet.
Per Dóminum.

Postcommunio

Deus, fidélium remunerátor animárum: præsta; ut beáti Wolfgáangi Confessóris tui atque Pontificis, cujus venerándam celebrámus festivitátem, précibus indulgéntiam consequámur. Per Dóminum.

Die 15 Novembris

**S. Leopoldi Marchionis, Conf.,
Patroni Austriæ**

Duplex I cl. cum Octava communi

Introitus Ps. 36, 30-31



s justi meditábitur sapiéntiam, et lingua ejus loquétur judícium: lex Dei ejus in corde ipsíus.

(T. P. Allelúja, allelúja.) Ps. *ibid.*, 1
Noli æmulári in malignántibus: neque zeláveris faciéntes iniquitátem. V. Glória Patri.

Oratio

Deus, qui beátum Leopóldum a sæculi curis ad cæléstem glóriam transvexisti: concéde, quæsumus; ita nos per hæc temporália pertransíre, ut ætérnæ vitæ consórtia mereámur. Per Dóminum nostrum.

Et, in Missis privatis lectis tantum, fit Commemoratio S. Gertrudis Virginis:

Oratio

Deus, qui in corde beátæ Gertrúdis Vírginis jucúndam tibi consiónem præparásti: ipsíus méritis et intercessióne; cordis nostri máculas cleménter abstérge, et ejúsdem tribue gaudére consórtio. Per Dóminum.

Léctio libri Sapiéntiæ

Eccli. 31, 8-11

Beátus vir, qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabilia in vita sua. Qui probátus est in illo, et perféctus est, erit illi glória ætérna: qui pótuit tránsgrredi, et non est transgréssus: fácere mala, et non fecit: ídeo stabilita sunt bona illius in Dómino, et eleemósynas illíus enarrábit omnis ecclésiá sanctórum.

Graduale Ps. 91, 13 et 14 Justus ut palma florébit: sicut cedrus Libani multiplicábitur in domo Dómini. V. *Ibid.*, 3 Ad annuntiándum mane misericórdiam tuam, et veritátem tuam per noctem.

Allelúja, allelúja. V. *Jac.* 1, 12 Beátus vir, qui suffert tentatióem: quóniam, cum probátus fúerit, accípiet corónam vitæ. Allelúja.

In Missis votivis


Post Septuagesimam, omissis Allelúja et Versu sequenti, dicitur:

Tractus Ps. 111, 1-3 Beátus vir, qui timet Dóminum: in mandátis ejus cupit nimis. V. Potens in terra erit semen ejus: generátio rectórum benedicétur. V. Glória et divítiae in domo ejus: et justítia ejus manet in sæculum sæculi.

Tempore Paschali omittitur Graduale, et ejus loco dicitur:

Allelúja, allelúja. V. *Jac.* 1, 12 Beátus vir, qui suffert tentatióem: quóniam, cum probátus fúerit, accípiet corónam vitæ. Allelúja. V. *Eccli.* 45. 9 Amávit eum Dóminus.

et ornávit eum: stolam glóriæ induit eum. Allelúja.

 Sequéntia sancti Evangéllii secúndum Lucam

Luc. 19, 12-26

In illo témpore: Dixit Jesus discipulis suis parábolam hanc: Homo quidam nóbilis ábiit in regiónem longínquam accípere sibi regnum, et revérti. Vocáti autem decem servis suis, dedit eis decem mnas, et ait ad illos: Negotiámini, dum vénio. Cives autem ejus óderant eum: et misérunt legatióem post illum, dicéntes: Nólumus hunc regnáre super nos. Et factum est, ut redíret accépto regno: et jussit vocári servos, quibus dedit pecúniam, ut sciret quantum quisque negotiátus esset. Venit autem primus, dicens: Dómine, mna tua decem mnas acquisívit. Et ait illi: Euge, bone serve, quia in módico fuísti fidélis, eris potestátem habens super decem civitátes. Et alter venit, dicens: Dómine, mna tua fecit quinque mnas. Et huic ait: Et tu esto super quinque civitátes. Et alter venit, dicens: Dómine, ecce mna tua, quam hábui repósitam in sudário: tímui enim te, quia homo austérus es: tollis quod non posuísti, et metis quod non seminásti. Dicit ei: De ore tuo te júdico, serve nequam. Sciébas quod ego homo austérus sum, tollens quod non pósui, et metens quod non seminávi: et quare non dedísti pecúniam meam ad mensam, ut ego véniens, cum usúris útique exegissem illam? Et astántibus dixit: Auférte ab illo mnam, et date illi, qui decem mnas habet. Et dixé-

runt ei: Dómine, habet decem mnas. Dico autem vobis: Quia omni habénti dábitur, et abundábit: ab eo autem, qui non habet, et quod habet, auferétur ab eo.

Credo, et dicitur per totam Octavam.

Offertorium Ps. 88, 25 Véritas mea et misericórdia mea cum ipso: et in nómine meo exaltábitur cornu ejus. (T. P. Allelúja.)

Secreta

Laudis tibi. Dómine. hóstias immolámus in tuórum commemoratióne Sanctórum: quibus nos et præsentibus éxui malis confidimus, et futúris. Per Dóminum.

Pro S. Gertrude Secreta

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepisse cognóscit auxiliúm. Per Dóminum.

Communio Matth. 24, 46-47 Beátus servus, quem, cum vénerit dóminus, invénerit vigilántem: amen, dico vobis, super ómnia bona sua constituet eum. (T. P. Allelúja.)

Postcommunio

Refécti cibo potúque cælésti, Deus noster, te súpplices exorámus: ut, in cujus hæc commemoratióne percépimus, ejus muniámur et précibus. Per Dóminum.

Pro S. Gertrude Postcommunio

Satiásti, Dómine, familiam tuam munéribus sacris: ejus, quæsumus, semper interventióne nos réfove, cujus sollémnia celebrámus. Per Dóminum.

¶ Infra Octavam Missa dicitur ut supra, cum 2^a tamen Oratione de sancta Maria Concéde et 3^a con-

tra persecutores Ecclesiæ vel pro
Papa.

Die 22 Novembris

In Octava S. Leopoldi
Marchionis Conf., Patroni Austriæ
Duplex majus

Missa ut in Festo, ut supra. 5*

Et fit Commemoratio S. Cæciliæ
Virginis et Martyris, ut in Missali
hac die.

¶ Missæ privatæ dici possunt, jux-
ta Rubricas, etiam de S. Cæcilia,
ut in Missali hac die, cum Com-
memoratione diei Octavæ S. Leo-
poldi.

Index alphabeticus

	pag.		pag.
Altmanni Ep. et Conf., duplex majus. 8 Augusti	3*	Leopoldi Marchionis, Conf., Patroni Austriæ, duplex I classis cum Octava communi.	5*
Clementis Mariæ Hofbauer Conf., duplex majus. 15 Martii	2*	15 Novembris	5*
Colomanni Mart., duplex. 13 Octobris	4*	— — Octava, duplex majus. 22 Novembris	7*
Floriani Mart., duplex. 4 Maji	3*	Petri Canisii Conf., duplex. 22 Decembris	1*
Georgii Mart., duplex. 24 Aprilis	3*	Ruperti Ep. et Conf., Com. 27 Martii	2*
Hippolyti Mart., Patroni principalis Civitatis et Diocesis sancti Hippolyti, duplex I classis cum Octava communi. 13 Augusti	4*	Severini Abbatis, duplex. 19 Januarii	2*
— — Octava, duplex majus. 20 Augusti	4*	Valentini Ep. et Conf., simplex. 28 Novembris	1*
		Virgilii Ep. et Conf., simplex. 27 Novembris	1*
		Wolfgangi Ep. et Conf., Com. 31 Octobris	4*